



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-14-26723-1/19  
Sarajevo, 04.09.2019. godine

Na osnovu Zaključka Skupštine Kantona Sarajevo broj: 01-05-27711/13 od 13.11.2013. godine, čl. 4. i 22. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj 6/19 i 26/19) i Zaključka Vlade Kantona Sarajevo broj 02-05-31577-24/19 od 29.08.2019. godine, a u skladu sa članom 6. stav 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13 i 16/14) i Javnim pozivom za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2019. godinu broj: 06-14-10945-1/19 od 20.03.2019. godine, ministar za boračka pitanja Kantona Sarajevo donosi

## **ODLUKU**

**o odobravanju sredstava za finansiranje/sufinansiranje projekta pružanja pravne pomoći osumnjičenim i optuženim bivšim pripadnicima Oružanih snaga RBiH za 2019. godinu**

### **I**

**Odobravaju se sredstava u iznosu od 10.000,00 KM** (slovima: deset hiljada KM), **Fondaciji „Istina za Goražde“** Bosansko-podrinjskog kantona kao podrška projektu : „Pružanje pomoći bivšim pripadnicima Armije RBiH i MUP-a RBiH regije Goražde, koji su optuženi za navodne ratne zločine u periodu '92-'95 godine, kao i članovima njihovih porodica“.

### **II**

Saglasnost za umjeravanje sredstava je dala svojim Zaključkom broj 02-05-31577-24/19 od 29.08.2019. godine Vlada Kantona Sarajevo.

### **III**

Sve aktivnosti iz odobrenog projekata iz tačke I moraju biti u vezi direktne ili indirektno podrške optuženim braniteljima, odnosno u svrhu odbrane.

Sredstva iz tačke 1. su odobrena za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica, **te se ne mogu isplaćivati licima protiv kojih je donesena pravosnažna presuda.**

### **IV**

Odobrena sredstva iz tačke I ove Odluke terete budžetsku poziciju Ministarstva za boračka pitanja Kantona Sarajevo (u daljnjem tekstu: Ministarstvo), razdjel 13, glava 01,

potrošačka jedinica 0001, ekonomski kod 614300, subanalitika DAN025 „Sufinansiranje pravne pomoći u korist branilaca BiH“, a uplatiće se na račun Fondacije, na pogodan način, nakon potpisivanja odgovarajućeg Sporazuma.

## V

Sredstva iz tačke I ove Odluke su namjenska, te ih je Fondacija dužna utrošiti u skladu sa Sporazumom koji će potpisati sa Ministarstvom i instrukcijama Ministarstva, te uz poštivanje zakonskih propisa.

Fondacija je dužna, najkasnije u roku od 15 dana od dana okončanja realizacije projekta, Ministarstvu dostaviti izvještaj o provedenim aktivnostima i utrošenim sredstvima (realizaciji).

Izvještaj o provedenim aktivnostima i utrošenim sredstvima (realizaciji) mora sadržavati detaljno tekstualno obrazloženje svih izdataka, specifikacije izvršenih isplata sa navedenim aktima kojima se pravda utrošak sredstava (npr. ugovori, fakture, nalozi za plaćanje i izvodi, odluke, izvještaji korisnika o primljenim sredstvima i dr.).

U prilogu izvještaja moraju se dostaviti: kopije odluka nadležnog organa o odobravanju isplata i načinu realizacije aktivnosti, kopije faktura i ugovora na osnovu kojih je izvršena isplata, kopije naloga za plaćanje i izvoda, dokaz da je plaćena usluga i izvršena, odnosno izvještaj angažovanih lica o obavljenom poslu, koji prethodno treba biti ovjeren od strane odgovorne osobe Fondacije i drugo.

## VI

Realizaciju odobrenih sredstava iz tačke I ove Odluke pratit će Ministarstvo.

### **O b r a z l o ž e n j e:**

Prilikom izrade Budžeta Kantona Sarajevo za 2019. godinu, a na osnovu činjenice da se protiv bivših branilaca RBiH podižu optužnice i pokreću sudski procesi, tokom kojih su optuženim licima za dokazivanje nevinosti potrebna izuzetno velika novčana te podrška u postupku odbrane, utvrđena je potreba za daljim obezbjeđenjem namjenskih sredstava kojima bi se finansirala pravna pomoć braniocima, odnosno pravna pomoć u korist bivših branilaca RBiH, te su shodno tome na odgovarajućoj budžetskoj poziciji Ministarstva za 2019. godinu i predviđena određena namjenska sredstva. Podršku aktivnostima pružanja pravne pomoći braniocima Bosne i Hercegovine u proteklom periodu dala je Vlada Kantona Sarajevo, a Skupština Kantona Sarajevo je donijela Zaključke broj: 01-05-29000/11 od 29.11.2011. godine i broj: 01-05-27711/13 od 13.11.2013. godine, kojima je zadužila Ministarstvo da putem fondacija registrovanih za ovu namjenu aktivira sve mogućnosti u cilju pravne, finansijske i materijale pomoći osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica.

Ministarstvo za boračka pitanja Kantona Sarajevo je objavilo Javni poziv za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2019. godinu broj: 06-14-10945-1/19 od 20.03.2019. godine, po kojem je fondacijama koje su prijavile na isti odobren određeni iznos sredstava, pri čemu je ostao neraspoređen manji dio planiranih budžetskih sredstava.

Ministarstvu za boračka pitanja Kantona Sarajevom se svojim aktom broj 94/19 od 10.06.2019. godine obratila Fondacija „Istina za Goražde“ sa molbom za finansijskom pomoći radu Fondacije, odnosno pripadnicima Armije RBiH sa područja Bosansko-podrinjskog kantona Goražde koji su optuženi za navodne ratne zločine. Nakon odgovora Ministarstva za boračka pitanja Kantona Sarajevo o eventualnoj mogućnosti za pomoć, Fondacija „Istina za Goražde“ je

dostavila inovirani zahtjev sa određenom dokumentacijom, a preporuku za podršku je dostavilo Ministarstvo za boračka pitanja Bosansko-podrinjskog kantona Goražde.

Fondacija je osnovana Rješenjem Federalnog ministarstva pravde broj: 03-05-1-41/16 od 26.01.2016. godine, a osnivači su Savez ratnih vojnih invalida „Sinovi Drine“ BPK-a sa sjedištem u Goraždu, Udruženje demobilisanih boraca Armije BiH BPK-a sa sjedištem u Goraždu, Savez dobitnika najvećih ratnih priznanja BPK-a sa sjedištem u Goraždu i Udruženje „Svjetlost Drine“ sa sjedištem u Goraždu.

Cijeneći činjenicu da se boračka populacija BPK Goražde nalazi u izuzetno teškoj situaciji, kao i da se goraždanska regija u najvećem dijelu agresije nalazila u zoni odgovornosti 1.Korpusa Armije RBiH, te uvažavajući preporuku Ministarstva za boračka pitanja BPK Goražde i Protokol o saradnji između Vlade Kantona Sarajevo i Vlade Bosansko-podrinjskog kantona Goražde potpisan u 2018. godini, Ministarstvo za boračka pitanja Kantona Sarajevo je odlučilo da zatraži podršku Vlade Kantona Sarajevo da izađe u susret zahtjevu i pomogne odbranu optuženih pripadnika Armije RBiH i MUP-a RBiH sa područja Bosansko-podrinjskog kantona Goražde i članove njihovih porodica putem Fondacije „Istina za Goražde“. Dostojanstvenom i adekvatnom odbranom se doprinosi i dokazivanju moralnog i odbrambenog karaktera OS RBiH.

Saglasnost Vlade je zatražena zbog činjenice da se radi o aktivnostima van teritorijalne nadležnosti Ministarstva za boračka pitanja Kantona Sarajevo, te jer se radi o naknadnoj prijavi. Vlada Kantona Sarajevo je donijela Zaključak broj 02-05-31577-24/19 od 29.08.2019. godine kojim je dala saglasnost Ministarstvu za boračka pitanja Kantona Sarajevo za usmjeravanje sredstava u iznosu od 10.000 KM kao pomoć osumnjičenim i optuženim pripadnicima Armije RBiH i MUP-a RBiH sa područja Bosansko-podrinjskog kantona Goražde putem Fondacije „Istina za Goražde“.

Sve aktivnosti iz odobrenog projekata iz tačke I moraju biti u vezi direktne ili indirektno podrške optuženim braniteljima, odnosno u svrhu odbrane.

Sredstva iz tačke 1. su odobrena za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica, te se ne mogu isplaćivati licima protiv kojih je donesena pravosnažna presuda.

S obzirom da se radi o implementaciji značajnih budžetskih sredstava, planiranih na budžetskoj poziciji Ministarstva, razdjel 13, glava 01, potrošačka jedinica 0001, ekonomski kod 614300, subanalitika DAN025 „Sufinansiranje pravne pomoći u korist branilaca BiH“, nadzor nad radom Fondacije u pogledu realizacije odobrenih sredstava iz tačke I ove Odluke kontinuirano će vršiti Ministarstvo.

Tokom realizacije odobrenih sredstava iz tačke I ove Odluke Fondacija će biti dužna odobrena sredstva trošiti namjenski i pridržavati se Sporazuma koji će potpisati sa Ministarstvom i instrukcija Ministarstva, te pozitivnih zakonskih propisa. U tom smislu sve isplate moraju biti izvršene na osnovu internih akata Fondacije uz obezbjeđenje potrebne prateće dokumentacije i odluka organa upravljanja. Isto tako, Fondacija će biti u obavezi dostavljati izvještaje o provedenim aktivnostima i utrošenim sredstvima (realizaciji).

Izveštaj o realizaciji mora sadržavati detaljno tekstualno obrazloženje svih izdataka, specifikacije izvršenih isplata sa navedenim aktima kojima se pravda utrošak sredstava (npr. ugovori, fakture, nalozi za plaćanje i izvodi, odluke, izvještaji korisnika o primljenim sredstvima i dr.).

U prilogu izvještaja moraju se dostaviti: kopije odluka nadležnog organa o odobravanju isplata i načinu realizacije aktivnosti, kopije faktura i ugovora na osnovu kojih je izvršena

isplata, kopije naloga za plaćanje i izvoda, dokaz da je plaćena usluga i izvršena, odnosno izvještaj angažovanih lica o obavljenom poslu, koji prethodno treba biti ovjeren od strane odgovorne osobe Fondacije, i drugo.

Na osnovu navedenog, a obzirom da su za ovu namjenu već i odobrena sredstva u Budžetu Kantona Sarajevo za 2019. godinu, odlučeno je kao u dispozitivu ove Odluke.

## VI

Ova Odluka stupa na snagu danom donošenja.



**MINISTAR**

**mr. Ismir Jusko**

Dostaviti:

- Fondacija „Istina za Goražde“ Bosansko-podrinjskog kantona, ul.43. Drinske Brigade br.8, 73000 Goražde
- ⑦ Sektor za ekonomske poslove Ministarstva,
- a/a.



web: <http://mbp.ks.gov.ba>  
 e-mail: [mbp@mbp.ks.gov.ba](mailto:mbp@mbp.ks.gov.ba)  
 Tel: + 387 (0) 33 562-012,  
 Fax: + 387 (0) 33 562-251  
Sarajevo, Reisa Džemaludina Čauševića 1

